

Na osnovu člana 4. stav 2. i člana 6. Zakona o komunalnim djelatnostima („Službene novine TK“, broj: 11/05, 7/07, 14/13 i 11/20), člana 25. Statuta Grada Srebrenik („Službeni glasnik Grada Srebrenik“, broj: 1/24), i članova 76. 89. i 128. Odluke o komunalnom redu („Službeni glasnik općine Srebrenik“, broj: 6/06 i 10/11), Gradsko vijeće Grada Srebrenika, na sjednici održanoj dana _____ 2025. godine, d o n o s i :

P R O G R A M

obavljanja usluga zajedničke komunalne potrošnje za 2026. godinu

Programom obavljanja usluga zajedničke komunalne potrošnje za 2026. godinu (u daljem tekstu Program), utvrđuje se obim i kvalitet usluga zajedničke komunalne potrošnje na užem gradskom području Srebrenika (podučje mjesnih zajednica Centar I, Centar II i Bare) i ostalih naseljenih mjesta na području Grada Srebrenika za 2026. godinu, izvori finansiranja, nosioci pojedinih poslova i rokovi za provođenje Programa.

Programom su obuhvaćeni sljedeći poslovi i usluge:

1. *Održavanje čistoće*, u dijelu koji se odnosi na čišćenje i pranje javnih saobraćajnih površina, uklanjanje snijega i poledice sa javnih površina;
2. *Održavanje javnih površina*, što uključuje čišćenje, uređenje i održavanje javnih zelenih površina, održavanje gradskih fontana, odvoz smeća sa javnih površina, kao i uklanjanje divljih deponija na području Grada Srebrenika;
3. *Održavanje javne rasvjete*, što podrazumijeva održavanje objekata i uređaja javne rasvjete kojom se osvijetljavaju prometne i druge javne površine;
4. *Obavljanje kafilerijskih poslova*, što podrazumijeva uklanjanje pasa lualica, eutanaziju i neškodljivo uklanjanje životinjskih leševa sa javnih površina;
5. *Dekorisanje*, što podrazumijeva ukrašavanje javnih površina i prostora prigodnim ukrasnim rekvizitima a povodom državnih i vjerskih praznika, kulturnih, zabavnih, sportskih, sajamskih i drugih manifestacija.

A) VRSTE, OBIM I KVALITET USLUGA

1. ODRŽAVANJE ČISTOĆE

1.1. Čišćenje javnih saobraćajnih površina

Čišćenje javnih saobraćajnih površina na užem gradskom području Srebrenika podrazumijeva ručno ili mašinsko čišćenje-metenje asfaltiranih površina, uključujući i trotoare i parking prostore pored istih, a u ulicama sa makadamskom podlogom vršit će se samo ručno branje otpada (bez metenja), a ovi poslovi obavljat će se u periodu od 15.03.2026. do 15.11.2026. godine.

Učestalost pojedinih operacija čišćenja vršit će se različito po zonama.

a) javne saobraćajne površine koje su predviđene za ručno ili mašinsko čišćenje jedanput dnevno:

- ulica Alije Izetbegovića, ulica Bosanskih branilaca, ulica Huseina Lelića, ulica Žrtava genocida u Srebrenici, ulica 25. Novembra, ulica Maršala Tita, Radnička ulica, ulica 1. Marta, ulica Dr Hašima Muharemovića (bivša ulica Zlatnih ljljana što uključuje i saobraćajnicu između Doma zdravlja i bivše uprave Majevice), ulica Džafera Hogića (bivša ulica Srebreni grad), ulica 211. Oslobođilačke brigade, ulica Kulina bana, ulica 21. Srebreničke brigade, ulica Srebreni grad, ulica TO-92, saobraćajnice oko zgrade “Tinjanika I i II”, saobraćajnica iznad SP zgrada “Bistrice I i II”,

saobraćajnica iza SP zgrade "Srebrenka II" i iznad dječijeg obdaništa, saobraćajnica prema dječijem obdaništu, saobraćajnica iza SP zgrade "Bigeraj", saobraćajnica iza SP zgrade "Papagajka", ulica Ibrahima Salihovića (bivša Varoških Polja), ulica Kralja Tvrtka, plato i parking površina oko nove zgrade gradskih organa uprave, plato ispred i parking prostor iza Robne kuće, plato ispred sportske dvorane, javni i posebni parking prostori u tim ulicama.

Ukupna površina ovih javnih saobraćajnih površina iznosi ca 34.000 m².

b) javne saobraćajne površine koje su predviđene za ručno ili mašinsko čišćenje jedanput sedmično:

- poligon malih sportova pored Srednje škole, saobraćajne površine oko SP zgrade "Auto pijaca" i "Sekvoja", ulica Tuzlanskog odreda, ulica Mije Gudeljevića, ulica Posavskog odreda, ulica Meše Selimovića.

Ukupna površina ovih javnih saobraćajnih površina iznosi ca 17.000 m².

c) javne saobraćajne površine koje su predviđene za ručno ili mašinsko čišćenje jedanput mjesečno:

- ulica Kiseljaci, ulica 9. Septembra, Kiseljačka ulica, Industrijska ulica, ulica Ahmeta Šiljića, ulica Otvorenog grada umjetnosti, ulica Mehmedalije Mak Dizdara, ulica Ibrahima Cvike, ulica Benjamina Hogića Benka, ulica Hazima Vikala, ulica Džemala Bijedića, Bosanska ulica, ulica Safet-Bega Bašagića, ulica Muhsina Rizvića, ulica 21. Divizije, ulica Reufa Hodžića, ulica Ahmeta Džanića, ulica Zdrastvenih radnika, ulica Hasana Kikića, ulica B. Kešetovića, ulica 21. Juna, ulica Mevludina Ekmečića, ulica Nedžada Šečića, ulica Husein-Kapetana Gradaševića, ulica Rukiba Sinanovića do mosta na regionalnom putu, ulica Ivana Markovića Irca, ulica Mehmeda Ibrahimovića, ulica 16. Muslimanske brigade, ulica Džemaludina ef. Čauševića, ulica Stjepana II Kotromanića, Majevička ulica, ulica Vahida Ibrića, ulica Mehmeda Ramića Ramba, ulica Ismeta Ahmetovića, ulica Mehmeda Spahe, ulica Hazima Fazlića, ulica Srebreničkog odreda, ulica Derviša Sušića i Sarajevska ulica.

Ukupna površina ovih javnih saobraćajnih površina iznosi ca 77.000 m².

1.2. Pranje asfaltiranih površina

Pranje saobraćajnica je predviđeno u periodu od 15.03.2026. do 15.11.2026. godine, a vrši se u vremenu od 23⁰⁰ do 06⁰⁰ sati, i podrazumijeva pranje saobraćajnica na kojima se obavlja i čišćenje.

Kao i kod čišćenja predviđena je različita učestalost pranja pojedinih saobraćajnica i to:

- Saobraćajnice koje se peru jedanput mjesečno su javne saobraćajne površine koje se čiste jedanput dnevno.

Ukupna površina ovih javnih saobraćajnih površina iznosi ca 34.000 m².

- Saobraćajnice koje se peru jedanput u dva mjeseca su javne saobraćajne površine koje se čiste jedanput sedmično.

Ukupna površina ovih javnih saobraćajnih površina iznosi ca 17.000 m².

- Saobraćajnice koje se peru dva puta godišnje su javne saobraćajne površine koje se čiste jedanput mjesečno.

Ukupna površina ovih javnih saobraćajnih površina iznosi ca 77.000 m².

Pored redovnog pranja gore navedenih javnih saobraćajnih površina, Komunalno ili drugo preduzeće koje obavlja ove poslove (u daljem tekstu: Davalac usluge) je obavezno vršiti pranje i otklanjanje eventualnih oštećenja na saobraćajnim znakovima pored istih, a u slučaju da saobraćajni znak nedostaje, nedostatak prijavi nadležnom gradskom organu i nakon nabavljanja saobraćajnih znakova obaveza je Davaoca da izvrši njihovo postavljanje.

Takođe, obaveza je Davaoca usluga da redovno vrši čišćenje prihvatnih šahtova i rešetki na slivnicima oborinske kanalizacije, a u slučaju da rešetka nedostaje ili je oštećena, istu popravi ili nakon nabavke od strane Grada istu ugradi.

1.3. Uklanjanje snijega i poledice sa javnih površina, odnosno organizovanje zimske službe

Zimska služba organizuje se u periodu od 01.01. do 15.03.2026. godine i od 15.11. do 31.12.2026. godine. Grad Srebrenik organizuje zimsku službu na ulicama u užem gradskom području Srebrenika, te na lokalnim i nekategorisanim putevima na ostalom području Grada Srebrenika, dok su za zimsku službu na regionalnim cestama i magistralnoj cesti nadležne direkcije cesta TK i FBiH.

Zimska služba vršila bi se u sljedećem obimu:

- čišćenje snijega i leda sa kolovoza cesta, trotoara, parking prostora, taksi i autobuskih stajališta (osim gradske autobuske stanice) i ostalih javnih saobraćajnih površina,
- sprečavanje klizavosti zbog poledice,
- nabavka, preuzimanje i deponovanje abrazivnog materijala za sprečavanje klizavosti,
- deponovanje posipnog materijala na proširenjima uz kolovoze na usponima cesta,
- uklanjanje ledenica i nanosa snijega sa krovova objekata u javnoj upotrebi (objekti organa uprave i sl.),
- informisanje javnosti o stanju na cestama,
- druge neophodne radnje kojima se osigurava stalan, nesmetan i siguran promet na cestama (uklanjanje odrona kamena i zemlje, drveća, granja, čišćenje saobraćajnica i sl.).

Davalac usluga je obavezan sačiniti Operativni plan zimske službe, na koji saglasnost daje Gradonačelnik.

Poslovi zimske službe se organizuju od strane JP „9. septembar“ d.o.o. Srebrenik, a dio poslova može se obavljati i putem mjesnih zajednica koje blagovremeno dostave prijedlog da se zimsku službu na njihovom području organizuje na ovaj način. JP „9. septembar“ će u tim slučajevima vršiti koordinaciju, prvenstveno u dijelu dostave potrebnog abrazivnog materijala mjesnim zajednicama, te osigurati da se poslovi obavljaju u skladu s Operativnim planom zimske službe.

Mjesne zajednice koje se opredijele za organizovanje dijela zimske službe na svom području obavezne su:

- dostaviti prijedlog organizovanja zimske službe za svoje područje (angažovana mehanizacija, raspored aktivnosti i kontakt osobe),
- osigurati održavanje i prohodnost puteva u skladu sa dostavljenim planom,
- voditi evidenciju o utrošku abrazivnog materijala i izvršenim aktivnostima,
- blagovremeno obavještavati JP „9. septembar“ o stanju na putevima i potrebama dodatnih intervencija,
- imenovati odgovornu osobu (predsjednik MZ ili druga ovlaštena osoba) za nadzor i koordinaciju aktivnosti zimske službe na području mjesne zajednice.

U slučaju povoljnih vremenskih uslova, odnosno u periodima bez snijega, poslove čišćenja javnih saobraćajnih površina u vrijeme trajanja zimske službe vršit će Davaoac usluga u obimu i na način predviđen tačkom 1.1. ovog programa, a poslove pranja asfaltiranih površina, kada je vanjska temperatura zraka iznad 5°C, u obimu i u vrijeme kako to odredi gradska služba nadležna za komunalne poslove ili komunalna inspekcija.

2. ODRŽAVANJE JAVNIH POVRŠINA

2.1. Čišćenje, uređenje i održavanje javnih zelenih površina

Čišćenje, uređenje i održavanje javnih zelenih površina vršit će se u periodu od 01.01.2026. do 31.12.2026. godine.

Pod pojmom čišćenja, uređenja i održavanja javnih zelenih površina podrazumijeva se:

- košenje trave,
- šišanje žive ograde, sitnog rastinja i sječenje suhih grana i grana drveća koje ulaze u slobodan profil saobraćajnica (slobodan profil je 4,5 m iznad kolovoza saobraćajnice),
- zasađivanje i okopavanje cvijeća i drveća, te o potrebi zalivanje, prihranjivanje i tretiranje hemijskim sredstvima,
- uklanjanje smeća sa istih,
- redovno održavanje (popravak, farbanje i dr.) klupa za sjedenje i korpi za smeće,
- uklanjanje plakata, reklamnih listića, panoa i sl., postavljenih izvan za to predviđenih mjesta i
- uništavanje-uklanjanje ambrozije.

Javne zelene površine na užem gradskom području Srebrenika koje se čiste, uređuju i održavaju su:

- park "Hrastik",
- park "Spomen kosturnica" ,
- novi park pored rijeke Tinje i
- ostale javne zelene površine u užem gradskom području.

Ukupna površina ovih javnih zelenih površina iznosi ca 35.000 m².

U ovu kategoriju spadaju i gradski stadion i javni vodotoci na užem gradskom području.

Kada je u pitanju gradski stadion obaveza Davaoac usluga po ovom programu je čišćenje, odnosno branje i uklanjanje smeća sa prostora stadiona (terena, tribina i prostora oko samog stadiona), a isti će se obavljati u slučaju kada je organizator manifestacije na stadionu Grad Srebrenik.

Pod javnim vodotocima na užem gradskom području podrazumijeva se ukorićeni dio rijeke Tinje od Kopríca mosta do mosta za NN Kiseljak, te Mulahmetovića potok od naselja Neum do ušća u rijeku Tinju.

Kada je u pitanju korito rijeke Tinje, predviđeno je redovno košenje uređenog i zatravljenog dijela korita-nasipa minimalno jedanput mjesečno u toku sezone, kao i branje i odvoz otpadaka sa ovih površina tokom cijele godine, sa učestalosti od jedanput sedmično.

Ukupno zatravljenih površina cca. 36.000 m².

Također, predviđeno je i uklanjanje smeća i rastinja iz samog korita rijeke Tinje i sa površina urađenih u kamenoj oblozi i to minimalno dva puta godišnje.

Ukupna površina cca. 44.000 m².

Kada je u pitanju Mulahmetovića potok predviđeni su radovi na uklanjanja smeća iz i pored korita ovog vodotoka, krčenje i uklanjanje rastinja i slično i to najmanje dva puta godišnje (period proljeće i jesen).

Javnim zelenim površinama u ostalim naseljenim mjestima smatraju se parkovi, spomen obilježja i sl., obuhvatajući i ostale uređene površine kao što su: trgovi, poligoni (osim školskih) i druge asfaltirane i slične površine koje su locirane pored zgrada centara naseljenih mjesta.

Spomen obilježjima smatraju se uređene površine na kojima je izgrađeno spomen obilježje Šehidima i poginulim borcima u ratu 1992. - 1995. godine i spomen obilježja poginulim borcima u NOR-u 1941.-1945. godine na području Grada, kao i lokaliteti Starog grada i Šehitluka u G. Srebreniku.

Ukupna površina ovih javnih površina iznosi ca 21.000 m².

2.2. Održavanje gradskih fontana

Održavanje gradskih fontana podrazumijeva redovno čišćenje velike fontane ispred Doma kulture (odgovarajući tretman vode potrebnim hemikalijama, pregled automatike, eventualne zamjene rezervnih dijelova i popravke u periodu rada fontana), zatim održavanje fontane sa česmama na šetalištu, te javne česme „Herceg“ pored spomen kosturnice.

U pravilu fontane rade u periodu od 1. aprila do 31. oktobra.

2.3. Odvoz smeća sa javnih površina

Smeće prikupljeno sa javnih gradskih saobraćajnih površina i javnih zelenih površina u užem gradskom području i ostalim naseljenim mjestima (naročito na uređenim javnim površinama u mjesnim područjima sa postavljenim posudama-kantama za smeće), odvoziće se prema Planu odvozne otpada, koji će sačiniti Davalac usluga, na koji je obavezan pribaviti saglasnost gradske službe nadležne za komunalne poslove. Ovi poslovi organizovat će se kontinuirano tokom cijele godine i to na užem gradskom području svakodnevno, a sa područja ostalih mjesnih zajednica najmanje jednom mjesečno, a po potrebi i češće.

Odvoz krupnog otpada sa cijelog područja Grada Srebrenika vršit će se najmanje jednom godišnje. Plan odvoza krupnog otpada po pojedinim naseljenim mjestima sačiniti će Davalac usluga, na koji je obavezan pribaviti saglasnost gradske službe nadležne za komunalne poslove.

U slučajevima potreba Grada za izvršavanjem vanrednih poslova (poslovi slični ugovorenim u ovom programu i drugi poslovi u manjem obimu), Davalac usluga će na traženje gradske službe nadležne za komunalne poslove izvršiti te poslove bez posebne naknade, na način da se angažuju ljudstvo i materijalna sredstva predviđena za poslove na realizaciji ovog programa.

2.4. Uklanjanje divljih deponija smeća na području Grada Srebrenika

Uklanjanje divljih deponija smeća vršit će se na cijelom području Grada Srebrenika, prema Planu uklanjanja divljih deponija, koji će sačiniti gradska služba nadležna za komunalne poslove.

Ovi poslovi organizovat će se najmanje jedanput godišnje.

U slučaju potrebe za hitnom intervencijom uklanjanja neke divlje deponije smeća, uklanjanje će se izvršiti prema nalogu službe nadležne za komunalne poslove ili komunalnog inspektora, a prema cijenama koje budu ugovorene za redovno uklanjanje divljih deponija.

3. ODRŽAVANJE JAVNE RASVJETE

Pod održavanjem javne rasvjete podrazumijeva se održavanje objekata i uređaja Gradske javne rasvjete kojom se osvijetljavaju prometne i druge javne površine, i to:

- zamjena neispravnih i oštećenih rasvjetnih armatura, grla, sijalica, prigušnica i drugih elemenata, odnosno osnovnog i pomoćnog pribora;
- ispitivanje i popravka nadzemnih i podzemnih instalacija;

- intervencije na javnoj rasvjeti i vremenska podešavanja.
Predviđeno je da se ovi poslovi obavljaju u periodu od 01.01.2026. do 31.12.2026. godine.

4. KAFILERIJSKI POSLOVI

Kafilerijski poslovi podrazumijevaju uklanjanje pasa lotalica u svim naseljenim mjestima na području Grada Srebrenika, eutanaziju i neškodljivo uklanjanje životinjskih leševa sa javnih površina.

Uvažavajući odredbe Zakona o zaštiti i dobrobiti životinja („Službeni glasnik BiH“, br. 25/09), planirano je da se veći dio poslova koji se odnose na zbrinjavanje pasa lotalica u 2026. godini organizuju putem Veterinarske stanice, a da Komunalnom preduzeću ostaje dio poslova koji će eventualno obavljati u saradnji sa Veterinarskom stanicom, te poslovi koji se odnose uklanjanje i zbrinjavanje uginulih životinja sa javnih površina.

Predviđeno je da se ovi poslovi obavljaju u periodu od 01.01.2026. do 31.12.2026. godine.

5. DEKORISANJE

Za sve međunarodne, državne, gradske i vjerske praznike, te u povodu drugih značajnih prigodnih svečanosti Davalac usluga je obavezan da izvrši dekoraciju grada u skladu sa posebnim programom, najkasnije dva dana prije nastupajućeg praznika i to isticanjem odgovarajućih zastava na predviđenim mjestima u ulicama grada, postavljanjem odgovarajućih panoa, plakata i ostalih natpisa na za to predviđenim mjestima, te da u te dane sa posebnom pažnjom izvrši čišćenje javnih površina i pranje javnih saobraćajnica. Nabavku materijala (zastave, plakate, natpise, ukrasne svjetiljke i sl.) vrši Grad Srebrenik, a postavljanje i uklanjanje vrši Davalac usluga.

Predviđeno je da se ovi poslovi obavljaju u periodu od 01.01.2026. do 31.12.2026. godine.

B) IZVORI FINANSIRANJA I PREDVIĐENA SREDSTVA

Odredbama člana 6. i 19. Zakona o komunalnim djelatnostima („Službene novine TK“, broj: 11/05, 7/07, 14/13 i 11/20), propisano je da Općine/Gradovi obezbjeđuju obavljanje komunalnih djelatnosti, te da se sredstva za obavljanje pojedinih komunalnih djelatnosti obezbjeđuju iz budžeta Grada.

Polazeći od toga, u budžetu Grada Srebrenika za 2026. godinu potrebno je planirati sredstva za finansiranje komunalnih djelatnosti zajedničke komunalne potrošnje iz ovog programa.

C) MJERE, NOSIOCI I ROKOVI ZA SPROVOĐENJE PROGRAMA

Odlukom o komunalnim djelatnostima („Sl. glasnik općine Srebrenik“, broj: 10/11 i 2/14), obavljanje većine djelatnosti iz ovog programa (osim poslova navedenih pod tačkom 2.2. Održavanje gradskih fontana, 2.4. Uklanjanje divljih deponija, 3. Održavanje javne rasvjete i dijela Kafilerijskih poslova tačka 4.), direktno je povjereno JP „9. Septembar“ Srebrenik.

Djelatnosti održavanja gradskih fontana, održavanja javne rasvjete i uklanjanje divljih deponija biće povjerene Pravnom licu registrovanom za obavljanje predmetne djelatnosti, nakon provedenog postupka javne nabavke, a u skladu sa Zakonom o komunalnim djelatnostima TK-a i Zakonom o javnim nabavkama BiH.

Kada je u pitanju obavljanje Kafilerijskih poslova, pri čemu prije svega mislimo na zbrinjavanje pasa lotalica, a uvažavajući odredbe Zakona o zaštiti i dobrobiti životinja („Službeni glasnik BiH“, br. 25/09), planirano je da se veći dio ovih poslova i u 2026. godini organizuju putem

Veterinarske stanice, a da Komunalnom preduzeću ostaje dio poslova koji se odnose na uklanjanje i zbrinjavanje uginulih životinja sa javnih površina.

U cilju sprovođenja ovog programa, gradska služba nadležna za komunalne poslove i komunalna inspekcija, ostvarit će punu koordinaciju sa preduzećima, odnosno pravnim ili fizičkim licima, koja će učestvovati u realizaciji istog.

Sastavni dio ove Odluke je i prijedlog cjenovnika dostavljen od strane JP „9. Septembar“ d.d. Srebrenik, za radove koji se ugovaraju sa ovim preduzećem.

Nadzor nad sprovođenjem ovog programa vršit će gradska služba nadležna za komunalne poslove, a inspeksijski nadzor komunalna inspekcija i komunalni redari Grada Srebrenika, o čemu će izvještavati Gradonačelnika, a Gradonačelnik po potrebi Gradsko vijeće.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD SREBRENİK
- Gradsko vijeće -

PREDSJEDAVAJUĆI
GRADSKOG VIJEĆA

Nisvet Sejdinović

Broj: 01- /25
Srebrenik, _____ 2025. godine

O b r a z l o ž e n j e

I - PRAVNI OSNOV

Članom 4. i 6. Zakona o komunalnim djelatnostima („Službene novine TK“, broj: 11/05, 7/07, 14/13 i 11/20) i članovima 76. 89. i 128. Odluke o komunalnom redu („Sl. glasnik općine Srebrenik“, broj: 6/06 i 10/11), regulisano je da Program obavljanja usluga zajedničke komunalne potrošnje utvrđuje Gradsko vijeće.

II - RAZLOZI DONOŠENJA I OBRAZLOŽENJE PREDLOŽENIH RJEŠENJA

Odlukom o komunalnom redu predviđeno je da se obavljanje djelatnosti zajedničke komunalne potrošnje vrši na osnovu Programa koji donosi Gradsko vijeće.

Ovim programom utvrđuje se obim i kvalitet održavanja komunalnih objekata i uređaja i komunalnih usluga zajedničke komunalne potrošnje na užem gradskom području Srebrenika i području ostalih naseljenih mjesta Grada Srebrenika za 2026. godinu, u obimu približno istom kao i prošle godine.

Odlukom o komunalnim djelatnostim („Sl. glasnik općine Srebrenik“, broj: 10/11 i 2/14), obavljanje većine djelatnosti iz ovog programa (osim poslova navedenih pod tačkom 2.2. Održavanje gradskih fontana, 2.4. Uklanjanje divljih deponija, 3. Održavanje javne rasvjete i dijela Kafilerijskih poslova tačka 4.), direktno je povjereno JP „9. Septembar“ Srebrenik.

Djelatnosti održavanja gradskih fontana, održavanja javne rasvjete i uklanjanje divljih deponija, biće povjerene Pravnom licu registrovanom za obavljanje predmetne djelatnosti, nakon provedenog postupka javne nabavke, a u skladu sa Zakonom o komunalnim djelatnostima TK-a i Zakonom o javnim nabavkama BiH.

U dijelu koji se odnosi na zimsku službu, izvršena je izmjena Programa na način da se dio poslova zimske službe, pored JP „9. septembar“, može organizovati i putem mjesnih zajednica koje dostave prijedlog da se ovi poslovi na njihovom području obavljaju na takav način.

Kada je u pitanju obavljanje Kafilerijskih poslova, pri čemu prije svega mislimo na zbrinjavanje pasa lualica, a uvažavajući odredbe Zakona o zaštiti i dobrobiti životinja („Službeni glasnik BiH“, br. 25/09), planirano je da se veći dio ovih poslova i u 2026. godini organizuju putem Veterinarske stanice, a da Komunalnom preduzeću ostaje dio poslova koji će eventualno obavljati u saradnji sa Veterinarskom stanicom, te poslovi koji se odnose na uklanjanje i zbrinjavanje uginulih životinja sa javnih površina.

U skladu sa naprijed navedenim, u Budžetu Grada Srebrenika za 2026. godinu, potrebno je obezbijediti sredstva za finansiranje aktivnosti po ovom Programu.

Kako donošenje ovog Programa predstavlja osnov za potpisivanje Ugovora sa licima kojima se povjerava obavljanje navedenih komunalnih djelatnosti, a posebno imajući u vidu potrebu blagovremenog ugovaranja zimske službe za narednu godinu, donošenje istog od strane Gradskog vijeća potrebno je izvršiti do kraja tekuće godine.

Sastavni dio ove Odluke je i prijedlog cjenovnika dostavljen od strane JP „9. Septembar“ d.d. Srebrenik, za radove koji se ugovaraju sa ovim preduzećem.

Obzirom da se radi o nacrtu Programa, Predlagač i Obradivač su potpuno otvoreni za sve sugestije i primjedbe vijećnika po istom, kako bi na kraju zajednički došli do što kvalitetnijeg materijala.

OBRAĐIVAČ